



## Communicaziun a las medias

### Finals dal ballape grischun sco livestream tar RTR

Cuira, 08-05-2018 - **Ils 10 da matg 2018 emetta Radiotelevisiun Svizra Rumantscha (RTR) ils finals da la Cuppa Grischuna da las dunnas e dals umens a partir da las 13:20 live sin rtr.ch. Uschia giogan a las 13:30 las duas meglras equipas da las dunnas, *Tusaun Cazas* cunter *Domat*, ed a las 16:00 ils umens da *Moesa* cunter *Cuira 97 II*. RTR tegna ils fans da ballape l'entir temp al current ed infurmescha tge che capita sin ed a l'ur da la piazza da ballape a Cuira.**

Guardar ballape grischun cun commentari rumantsch, e quai cumadaivlamain en stiva sin canapé ubain en viadi via telefonin? Grazia al livestream da RTR è quai senz'auter pussaivel. RTR mussa quest spectacul sportiv sco video-livestream sin rtr.ch, facebook.com/rtr.ch ubain via HbbTV sin SRF1/SRF2.

Producì cun in simpel bus da transmissiun, cun intervistas avant, durant e suenter ils gieus e cun commentari rumantsch. Gian Carlo Candinas, redactor da sport da RTR, commentescha ensemen cun la co-commentatura Seraina Friedli - ballapedista en la squadra naziunala da las dunnas- il giu da las dunnas. La partida dals umens vegn commentada dal redactor da sport da RTR Andreas Wieland e dal co-commentatur Daniel Caduff, anteriur skiunz ed expert dal ballape regional.

Tar quests gieus na vai betg sulettamain per puncts, mabain era per l'onur: ils victurs astgan numnadamain sa numnar il numer 1 dal ballape dal Grischun. Uschia giogan ils 10 da matg 2018 a partir da las 13:30 las duas meglras equipas da las dunnas *Tusaun Cazas* cunter *Domat*, ed a las 16:00 ils umens da *Moesa* e *Cuira 97 II*.

Tgi che ha manchentà ils gieus da final da la Cuppa Grischuna po guardar pli tard ils highlights a partir da gievgia saira sin [www.rtr.ch](http://www.rtr.ch) ubain sin Play RTR.

Dapli davart ils gieus: [www.rtr.ch](http://www.rtr.ch).

#### Dapli infurmaziuns

Radiotelevisiun Svizra Rumantscha, Via da Masans 2, 7000 Cuira  
Madlaina Niggli, referendaria communicaziun e marketing, tel. 081 255 74 34, madlaina.niggli@rtr.ch